

<b>Adroddiad i:</b>	<b>Pwyllgor Archwilio Perfformiad</b>
<b>Dyddiad y Cyfarfod:</b>	<b>12 Rhagfyr 2013</b>
<b>Aelod/Swyddog Arweiniol:</b>	<b>Aelod Arweiniol dros Foderneiddio a Pherfformiad/Pennaeth Cynllunio Busnes a Pherfformiad</b>
<b>Awdur yr Adroddiad:</b>	<b>Swyddog Gwelliant Corfforaethol</b>
<b>Teitl:</b>	<b>Adroddiad ar Berfformiad y Cynllun Corfforaethol (C2: 2013/14)</b>

---

**1. Am beth mae'r adroddiad yn sôn?**

1.1. Mae'r papur hwn yn cyflwyno diweddariad ynglŷn â chyflawniad Cynllun Corfforaethol 2012-17 yn niwedd chwarter 2, 2013/14.

**2. Beth yw'r rheswm dros lunio'r adroddiad hwn?**

2.1. Mae angen i'r Cyngor ddeall y cynnydd a wneir wrth gyflawni deilliannau'r Cynllun Corfforaethol. Mae adrodd yn ôl yn rheolaidd yn un o ofynion monitro angenrheidiol y Cynllun Corfforaethol er mwyn sicrhau bod y Cyngor yn gweithredu ei ddyletswydd i wella.

**3. Beth yw'r Argymhellion?**

3.1. Caiff ei argymell bod yr Aelodau'n rhoi ystyriaeth i'r adroddiad, ac yn penderfynu ar unrhyw gamau gweithredu pellach sydd eu hangen er mwyn ymateb i unrhyw faterion sy'n ymwneud â pherfformiad o fewn yr adroddiad hwn.

**4. Manylion am yr Adroddiad**

4.1. Mae'r atodiad i'r adroddiad hwn yn cyflwyno crynodeb o bob un o ddeilliannau'r Cynllun Corfforaethol. Yn gyffredinol, mae'r adroddiad yn dangos fod cynnydd da'n cael ei wneud wrth gyflawni ein Cynllun Corfforaethol, a'n bod yn deall y rhesymau pam fod angen gwella rhai elfennau o'r Cynllun Corfforaethol.

4.2. Mae hyn bellach o fewn ail flwyddyn ein Cynllun Corfforaethol 5 mlynedd. Rydym yn cydnabod fod rhai meysydd i'w gwella yn cymryd mwy o amser i'w cyflawni nac eraill, ond rydym yn deall sut broses sydd gennym ar gyfer gwella a bod hynny'n cael ei ymgorffori yn y dadansoddiad o fewn yr adroddiad hwn.

4.3. Mae'r canlynol yn crynhoi'r agweddau perfformio allweddol ar gyfer 2il chwarter y Cynllun Corfforaethol:

4.3.1 Mae'n anodd cynnig asesiad cyflawn o Strategaeth Economaidd. Mae llawer o'r canlyniadau cysylltiedig yn cynnwys nifer o ddangoswyr lle nad oes data i'w gael eto. Maent yn dibynnu ar arolwg o fusnesau lleol ac ar Gynghorau Dinesig, Tref a Chymuned. Ar ôl ymgymryd â'r arolygon, bydd llawer o'r bylchau mewn data wedi eu llenwi. Mae'r arolygon hyn ar fin cymryd lle yn 2014/15. Ar gyfer dangosyddion eraill mae'r data yn parhau i gael ei ddatblygu. Nawr fod y strategaeth wedi'i gwblhau, bydd y gwaith yn cychwyn adnabod y ffynonellau o ddata, ac yn sicrhau y gallwn adrodd yn ôl arnynt.

4.3.2 Mae'r gweithgareddau sydd wedi eu rhestru o fewn y Flaenoriaeth Economi Leol yn adlewyrchiad o gynnwys y Cynllun Strategaeth Uchelgais Economaidd a Chymunedol. Mae argaeledd yr adnoddau a chyd-ddibyniaeth yn cael ei ystyried gan y Bwrdd Uchelgais Economaidd a Chymunedol, a fydd yn cadarnhau pob gweithgaredd.

4.3.3 Mae'r cyfanswm o lefydd gwag sydd gennym yn ein hysgolion yn parhau i fod yn flaenoriaeth yr ydym angen ei wella, yn ogystal â'n dibyniaeth ar ystafelloedd dosbarth dros dro. Mae gwelliannau yn y meysydd hyn yn dibynnu ar brosiectau cyfalaf sydd ar hyn o bryd yn gwneud cynnydd da.

4.3.4 Er ein bod wedi gwneud gwelliannau i'n rhwydwaith ffordd, ac o ganlyniad i'n sefyllfa addasedig, mae ein perfformiad yn parhau i fod yn flaenoriaeth sydd angen ei wella. Mae cyllid sylweddol ar gael i fuddsoddi yn ein ffyrdd ac mae hynny'n awgrymu fod ein hymateb i'r sefyllfa yn un priodol. Cyn belled ag y byddwn yn cynnal y momentwm yna dylai wella, er mae dangosydd perfformiad gwael arall yn berthnasol i drosglwyddiad y rhaglen cynnal a chadw priffyrdd. Yr eithriad terfynol ar gyfer y flaenoriaeth ffyrdd yw trosglwyddo ymyl palmentydd isel. Mae'r cynnydd wedi bod yn araf, ond wedi dweud hynny mae'r momentwm yn cyflymu'n raddol.

4.3.5 Mae ein perfformiad o ran sicrhau annibyniaeth i bobl ddiameddiffyn ar y cyfan yn rhagorol, ar wahân i'r gyfran o boblogaeth o oedolion sydd methu â byw'n annibynnol. Dyma ffactor a wŷr pawb amdano a bydd ein sefyllfa'n cael ei ddiweddarau ar ddiwedd y flwyddyn ariannol.

4.3.6 Mewn perthynas i warchod plant diameddiffyn, ar y cyfan mae ein perfformiad yn wych ond rhaid i ni barhau i ymdrechu i gyfeirio at y materion sy'n ein hatal rhag cynnal cyfran uwch o gyfarfodydd grŵp craidd o fewn 10 diwrnod o gynadleddau amddiffyn plant.

4.3.7 Mentrau i geisio gwella tir y cyhoedd yn parhau, ac mae ein dangosyddion yn parhau i ddangos fod baw ci yn broblem a tydi pobl ddim yn fodlon goddef hynny. Ond, y flaenoriaeth ar gyfer gwella ar gyfer y canlyniad hwn yw'r broblem

o dipio'n anghyfreithlon. Yn ogystal â'r problemau'n sy'n cael eu riportio, dylem ganolbwyntio ar sicrhau fod pobl yn deall ac yn cadw at ein prosesau fel ein bod yn teimlo'n hyderus gyda'r data.

4.3.8 Mae rhai o'r dangosyddion sy'n berthnasol i dai wedi symud ymlaen o'r sefyllfa a adroddwyd arno yn yr Adroddiad Perfformiad Blynyddol. Nodir fod ein gallu i ymateb i geisiadau cynllunio o fewn amserlenni statudol wedi gwella, ond maent yn parhau i fod yn flaenoriaeth i'w gwella.

4.3.9 Mae canlyniadau Moderneiddio yn ddigonol ond mae boddhad y trigolion gyda'r cyngor yn flaenoriaeth sydd angen ei wella. Mae hyn yn cyferbynnu â statws y dangosyddion sydd heb eu dylanwadu pan fydd y perfformiad yn rhagorol. Byddai archwilio rhesymau yn weithgaredd defnyddiol ar gyfer anghyfartaledd. Dylai fod y Prosiect Gweithlu Gofynion Gwybodaeth yn helpu i ni wella uwchben y ganran o bobl sydd â gwybodaeth a bod offer TG yn gweithio'n effeithiol.

4.3.10 Y gyfradd cwblhau ar gyfer gwerthusiad perfformio yw 79 y cant sy'n llawer is na'r lefel sy'n dderbyniol o 95 y cant. Tydi'r canran isel ddim yn berthnasol bellach i'r amrywiad blynyddol o amseriad y gwerthusiadau am ei fod yn cwmpasu gwerthusiadau sy'n ddyledus dros gyfnod o 13 mis. Dim ond un gwasanaeth wnaeth gwblhau dros 95 y cant o'i werthusiadau perfformiad.

## **5. Sut mae'r penderfyniad yn cyfrannu at y Blaenoriaethau Corfforaethol?**

5.1. Adroddiad yw hwn ynglŷn â'r cynnydd yr ydym yn ei wneud wrth gyflawni'r Cynllun Corfforaethol. Dylai unrhyw benderfyniad a wneir gyfrannu at gyflawni ein Blaenoriaethau Corfforaethol yn llwyddiannus.

## **6. Beth fydd yn ei gostio a sut bydd yn effeithio ar wasanaethau eraill?**

6.1. Mae Cynllun Corfforaethol 2012-17 yn amlinellu cyfanswm yr arian ychwanegol y mae'r cyngor yn bwriadu ei fuddsoddi ym mhob blaenoriaeth gorfforaethol yn ystod y 5 mlynedd nesaf. Ar wahân i'r buddsoddiad ychwanegol hwnnw, cymerir yn ganiataol y gellir cyflawni'r cynllun corfforaethol o fewn y cyllidebau presennol.

## **7. Beth yw prif gasgliadau'r Asesiad o Effaith ar Gydraddoldeb a gynhaliwyd am y penderfyniad? Dylid cynnwys templed yr Asesiad o Effaith ar Gydraddoldeb a gwblhawyd fel atodiad i'r adroddiad.**

7.1. Cafodd ACM ei wneud ar y Cynllun Corfforaethol a'i gyflwyno i'r Cyngor ar 9 Hydref 2012. Nid oes angen asesiad pellach ar yr adroddiad gan na fydd yr argymhellion yn yr adroddiad yn cael effaith uniongyrchol ar ein staff nac ar ein cymunedau.

**8. Pa ymgynghori a gynhaliwyd gyda'r Pwyllgorau Archwilio ac eraill?**

- 8.1. Daw'r wybodaeth yr oedd ei hangen i gynhyrchu'r adroddiad hwn oddi wrth y gwasanaethau, a chafodd fersiwn ddrafft o'r adroddiad ei ddosbarthu i'r Uwch Dîm Arweinyddiaeth am eu barn a'u sylwadau.

**9. Datganiad y Prif Swyddog Cyllid**

- 9.1. Nid oes angen datganiad gan y Prif Swyddog Cyllid ar gyfer yr adroddiad hwn.

**10. Pa risgiau sy'n bodoli ac a oes unrhyw beth y gallwn ei wneud i'w lleihau?**

- 10.1. Nid oes unrhyw risgiau penodol yn gysylltiedig â'r adroddiad hwn. Swyddogaeth y Gofrestr Risg Corfforaethol a'r Gofrestr Risg Gwasanaethau yw dynodi (a rheoli) digwyddiadau posibl o risg a allai olygu na fyddai'r cyngor yn gallu cyflawni ei Gynllun Corfforaethol.

**11. Pŵer i wneud y Penderfyniad**

- 11.1. Mae rheoli perfformiad a monitro yn elfen allweddol o Raglen Cymru ar gyfer Gwella, sydd wedi ei thanategu gan ofynion statudol Deddf Llywodraeth Leol 1999 a Mesur Llywodraeth Leol (Cymru) 2009.

- 11.2 Mae Erthygl 6.1 y Cyfansoddiad yn amlinellu cyfrifoldebau'r Pwyllgor mewn perthynas â'r Cynllun Corfforaethol.

**Swyddog Cyswllt:**

Swyddog Gwelliant Corfforaethol

Ffôn: 07795 334 836